

## **Cantem Nadal**

Ieu me soi levat per un matinet  
Que l'auba metiá son blanc mantelet.

*Repic*

Cantem Nadal, Nadal, Nadal,  
Cantem Nadal encara.  
Cantem Nadal, Nadal, Nadal,  
Cantem Nadal encara.

Ai pres ma capòta e mon capulet  
E mon cort mantèl de droguet\* violet.

*(Repic)*

Puèi me'n soi anat cercar Guilhaumet,  
"Qu'escotas aquí, gai pastorelet?"

*(Repic)*

Escoti cantar lo rossinholet,  
Jamai n'ai ausit cant tant aimablet.

*(Repic)*

N'es lo rossinhòl ni autre aucelet  
Mas del Paradís un bèl angelet.

*(Repic)*

Ditz qu'a Betelèm, dins un establet  
Es nascut anuèit un Dieu enfantet.